

151.

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 32a. stav 2. tačka 2) Uredbe o jedinstvenoj metodologiji za procjenu šteta od prirodnih i drugih nesreća (“Službene novine Federacije BiH”, broj 75/04, 38/06, 52/09 i 56/09), Vlada Zeničko-dobojskog kantona, na prijedlog Kantonalne uprave civilne zaštite, na 12. sjednici, održanoj 12.05.2011. godine, donosi

ODLUKU

o procedurama, uslovima, kriterijima i prioritetima za dodjelu jednokratne novčane pomoći općinama za otklanjanje šteta nastalih od prirodnih i drugih nesreća

DIO PRVI - OSNOVNE ODREDBE

Član 1.

(Predmet odluke)

Ovom Odlukom uređuju se procedure, uslovi, kriteriji i prioriteti za dodjelu jednokratne novčane pomoći koja ima karakter interventne pomoći ili granta (u daljnjem tekstu: jednokratna pomoć) općinama za hitne intervencije i pomoći za otklanjanje šteta koje nastanu od prirodnih i drugih nesreća iz sredstava Zeničko-dobojskog kantona (u daljnjem tekstu: Kantona) koja su obezbijedena za te namjene.

Član 2.

(Sredstva pomoći)

Jednokratna pomoć dodjeljuje se iz sljedećih sredstava i to:

- a) iz Budžeta Kantona koja se obezbjeđuju u skladu sa odredbom člana 179. tačka 1) Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine Federacije BiH”, broj:39/03, 22/06 i 43/10 - u daljnjem tekstu: Zakon o zaštiti i spašavanju),
- b) iz sredstava koja pripadaju Kantonu na osnovu člana 180. Zakona o zaštiti i spašavanju i to najviše u iznosu do 40% sredstava prikupljenih tokom tekuće godine, kako je to predviđeno Odlukom o uslovima i načinu korištenja sredstava ostvarenih po osnovu posebne naknade za zaštitu

od prirodnih i drugih nesreća (“Službene novine Federacije BiH”, broj:46/05 i 61/07 - u daljnjem tekstu: Odluka o korištenju sredstava zaštite i spašavanja).

Član 3.

(Odlučivanje o dodjeli pomoći)

(1) O dodjeli jednokratne pomoći iz sredstava predviđenih članom 2. ove Odluke odlučuje Vlada Kantona na prijedlog Kantonalne komisije za procjenu šteta, formirane Rješenjem o imenovanju Komisije za procjenu šteta od prirodnih i drugih nesreća (“Službene novine Zeničko-dobojskog kantona” broj:6/10 - u daljnjem tekstu: Kantonalna komisija).

(2) Vlada Kantona na prijedlog Kantonalne uprave civilne zaštite (u daljem tekstu: Kantonalna uprava) odlučuju o dodjeli pomoći drugim kantonima i općinama iz sredstava predviđenih u tački Va Odluke o korištenju sredstava zaštite i spašavanja, u skladu sa članom 183. Zakona o zaštiti i spašavanju.

(3) Pri dodjeli jednokratne pomoći općinama iz stava (2) ovog člana Vlada Kantona pridržavat će se sljedećih kriterija:

- a) da je formirana služba civilne zaštite općine u skladu sa članom 31. Zakona o zaštiti i spašavanju i članom 17. Zakona o zaštiti od požara i vatrogastvu (“Službene novine Federacije BiH” broj: 64/09 – daljnjem tekstu: Zakon o zaštiti od požara i vatrogastvu);
- b) da je formiran općinski štab civilne zaštite;
- c) da općina ima organizovane snage civilne zaštite (službe zaštite i spašavanja i jedinice civilne zaštite opće i specijalne namjene);
- d) da je donesena procjena ugroženosti općine;
- e) da je donesen program razvoja zaštite i spašavanja od prirodnih i drugih nesreća općine;
- f) da je donesen plan zaštite i spasavanja općine;
- g) da je donesen plan zaštite od požara općine;
- h) da je donesen godišnji plan korištenja sredstava zaštite i spašavanja općine;
- i) da je prihod općine po osnovu sredstava posebne naknade manji od 30% prosjeka ukupnih sredstava svih općina Kantona iz prethodne godine;
- j) da je zahtjev kojim se kandiduju za ova sredstva adekvatno obrazložen i dokumentiran.

**DIO DRUGI - PROCEDURA I USLOVI ZA
DODJELU JEDNOKRATNE POMOĆI****Član 4.
(Podnošenje zahtjeva)**

(1) Općina, može podnijeti zahtjev za dodjelu jednokratne pomoći iz sredstava Kantona predviđenih u članu 2. ove Odluke u dva slučaja:

- a) za hitne intervencije,
- b) za otklanjanje nastalih posljedica.

(2) Jednokratnu pomoć za slučajeve iz stava (1) ovog člana, općina prvo traži od Vlade Kantona, kada su nedostatna sredstva u budžetu općine koja se obezbjeđuju u skladu sa odredbom člana 179. tačka 1) i sredstava koja pripadaju općini na osnovu člana 180. Zakona o zaštiti i spašavanju.

**POGLAVLJE I. ZAHTJEV ZA DODJELU POMOĆI
ZA HITNE INTERVENCIJE****Član 5.
(Zahtjev za hitne intervencije)**

(1) Zahtjev za dodjelu jednokratne pomoći za hitne intervencije općini, općinski načelnik može podnijeti tokom nastanka prirodne ili druge nesreće i vođenja aktivnosti na spašavanju ljudi i materijalnih dobara koji su ugroženi ili nastradali od prirodne ili druge nesreće i kada je novčana pomoć neophodna za poduzimanje određenih hitnih mjera na zaštiti i spašavanju ljudi i materijalnih dobara.

(2) Zahtjev iz stava (1) ovog člana podnosi se na obrascu H-Š-1- Zahtjev općine za dodjelu jednokratne pomoći za hitne intervencije, koji je propisan Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", broj: 60/06 i 08/10 – u daljem tekstu: Odluka Vlade Federacije BiH).

(3) Uz zahtjev iz stava (2) ovog člana prilaže se obrazac PR-Š-1 Preliminarna procjena štete za općinu za traženje pomoći za hitne intervencije, propisana članom 25. stav (3) tačka 1) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj: 75/04, 38/06, 52/09 i 56/09 – u daljnjem tekstu: Uredba o procjeni štete), kao i dokumenti utvrđeni u članu 30. stav (1) tačka 1) do 5)

Uredbe o procjeni štete i dokumenti utvrđeni ovom Odlukom, koji se odnose na općinu, i to:

- a) akt o proglašenju stanja prirodne ili druge nesreće na području na koje se odnosi procjena štete, ako je donešen;
- b) akt o imenovanju općinske komisije za procjenu šteta;
- c) akt općinskog načelnika o utrošenim sredstvima općine ostvarenim na temelju člana 179., 180. i 184. Zakona o zaštiti i spašavanju (broj i naziv akta, svrha-namjena utrošenih sredstava);
- d) podaci o dobivenoj pomoći od Federacije, odnosno Bosne i Hercegovine i iz inostranstva do podnošenja izvještaja;
- e) podaci o visini sredstava u budžetu općine, koja su osigurana za saniranje šteta izazvanih prirodnim i drugim nesrećama, u skladu sa članom 179. i 180. Zakona o zaštiti i spašavanju;
- f) akt općinskog štaba civilne zaštite o upotrebi i angažiranju snaga i sredstava civilne zaštite općine, kao i ljudstva i sredstava organa uprave i upravnih organizacija, pravnih lica i drugih institucija i građana i njihovih sredstava, na zadacima zaštite i spašavanja ljudi i materijalnih dobara;
- g) akt općinskog štaba kojim se naređuje provođenje odgovarajućih mjera zaštite i spašavanja i određuju snage i sredstva koje će provoditi te mjere.

**POGLAVLJE II. ZAHTJEV ZA DODJELU POMOĆI
ZA OTKLANJANJE NASTALIH POSLJEDICA****Član 6.
(Zahtjev za otklanjanje nastalih posljedica)**

(1) Zahtjev za dodjelu jednokratne pomoći za otklanjanje (saniranje) nastalih posljedica, općina može podnijeti samo kada svojim sredstvima nije u mogućnosti izvršiti finansiranje svih radnji na otklanjanju nastalih posljedica koje su neophodne za stvaranje osnovnih uslova za život i rad ljudi na ugroženom području.

(2) Zahtjev iz stava (1) ovog člana sadrži sljedeće podatke:

- a) naziv i adresu općine;
- b) naziv prirodne ili druge nesreće i datum proglašenja nastanka, odnosno datum proglašenja prestanka stanja prirodne ili druge nesreće;
- c) datum usvajanja izvještaja općinske komisije za procjenu šteta od strane općinskog vijeća;

- d) iznos sredstava koja se traže;
- e) konkretne zadatke, odnosno namjenu za šta se traži finansijska pomoć;
- f) podatke o visini sredstava općine koja su prikupljena na temelju člana 180. Zakona o zaštiti i spašavanju i podatke o utrošku tih sredstava;
- g) podatke o visini osiguranih sredstava u budžetu općine po članu 179. tačka 1) Zakona o zaštiti i spašavanju, za saniranje šteta izazvanih prirodnim i drugim nesrećama i podatke o utrošku tih sredstava;
- h) podatke o sredstvima uložanim za financiranje projekata u planskom razdoblju, koja su u funkciji prevencije zaštite od prirodnih i drugih nesreća iz sredstava budžeta općine (konkretni projekat, cilj projekta i faze realizacije);
- i) podatke o dobijenoj finansijskoj i drugoj pomoći od nevladinih organizacija, drugih općina, kao i drugih izvora predviđenih Zakonom o zaštiti i spašavanju.

(3) Uz zahtjev se prilaže i sljedeća dokumentacija:

- a) izvještaj o procjenjenoj šteti iz člana 29. Uredbe o procjeni štete;
- b) zbirni pregled šteta – tabela 1. iz tačke 1) stav (1) člana 27. Uredbe o procjeni štete;
- c) odluke, izvode, fakture i račune ili druge finansijske dokumente kojim se dokazuje utrošak sredstava od dana proglašenja nastanka do dana proglašenja prestanka prirodne ili druge nesreće, koja su bila osigurana budžetom općine, po članu 179. tačka 1) i po članu 180. Zakona o zaštiti i spašavanju i utrošena sredstva budžetske rezerve za zaštitu i spašavanje, za tekuću godinu;
- d) akt nadležnog općinskog organa o usvajanju plana korištenja sredstava zaštite i spašavanja općine, za tekuću godinu, urađen u skladu Odlukom o korištenju sredstava zaštite i spašavanja;
- e) akt nadležnog općinskog organa kojim je proglašen nastanak prirodne ili druge nesreće na području općine i akt o proglašenju prestanka stanja prirodne ili druge nesreće;
- f) akt o imenovanju općinske komisije za procjenu štete;
- g) akt općinskog vijeća o usvajanju izvještaja o procjeni štete iz člana 29. Uredbe o procjeni štete;
- h) akt općinskog štaba civilne zaštite o upotrebi i angažiranju snaga i sredstava civilne zaštite općine, kao i ljudstva i sredstava organa uprave i upravnih organizacija, pravnih lica i drugih institucija i građana i njihovih sredstava, na

zadacima zaštite i spašavanja ljudi i materijalnih dobara;

- i) akt općinskog štaba kojim se naređuje provođenje odgovarajućih mjera zaštite i spašavanja i određuju snage i sredstva koje će provoditi te mjere.

(4) Zahtjev iz stava (1) ovog člana može se podnijeti najkasnije u roku od 60 dana od dana kada je nadležni organ općine proglasio prestanak stanja prirodne ili druge nesreće.

Član 7.

(Postupak rješavanja zahtjeva)

(1) Zahtjev općine za jednokratnu pomoć iz člana 5. i 6. ove Odluke, za općinu podnosi općinski načelnik Vladi Kantona, putem Kantonalne uprave, koja taj zahtjev odmah dostavlja Kantonalnoj komisiji na nadležni postupak.

(2) Kantonalna komisija je dužna, zahtjev općinskog načelnika uzeti u razmatranje, u roku od sedam dana od dana prijema podnešenog zahtjeva.

(3) Zahtjev o dodjeli jednokratne pomoći drugim kantonima i općinama iz stava (2) člana 3. ove Odluke, podnosi Vladi Kantona, općinski načelnik odnosno vlada drugog kantona.

(4) Kantonalna uprava je dužna, zahtjev iz stava (3) ovog člana uzeti u razmatranje, u roku od sedam dana od dana prijema podnesenog zahtjeva.

DIO TREĆI - KRITERIJI I PRIORITETI ZA DODJELU JEDNOKRATNE POMOĆI

POGLAVLJE I. KRITERIJI I PRIORITETI ZA POMOĆ ZA HITNE INTERVENCIJE

Član 8.

(Kriteriji i prioriteti za pomoć za hitne intervencije)

(1) Jednokratna pomoć za hitne intervencije može se dodjeljivati u toku djelovanja prirodne ili druge nesreće i kada je situacija na ugroženom području takva da se moraju preduzimati određene neodložne i hitne mjere zaštite i spašavanja koje imaju za cilj da se utiče na sprečavanje širenja prirodne ili druge nesreće, odnosno radi preduzimanja mjera i aktivnosti koje su nužne za spašavanje ugroženih i nastradalih ljudi, kojima se osigurava interventna pomoć i stvaraju neophodni uvjeti za život ljudi na ugroženom području, pod uslovom da je općina obezbijedila finansiranje poslova i zadataka zaštite i spašavanja iz budžeta u skladu sa članom 179. i 184. Zakona o zaštiti i spašavanju.

(2) Dodjela jednokratne pomoći pod uvjetima iz stava (1) ove tačke, može se odobriti samo pod uslovom ako općina koja je ugrožena prirodnom ili drugom nesrećom je utrošila sredstava za te namjene u skladu sa stavom (4) člana 180. Zakona o zaštiti i spašavanju i Odlukom o korištenju sredstava zaštite i spašavanja.

(3) Kada su ispunjeni uslovi iz stava (1) i (2) ovog člana, Kantonalna komisija može predložiti dodjelu jednokratne pomoći.

(4) Prioritete za dodjelu pomoći, Kantonalna komisija, utvrđuje na osnovu procjene podataka iz člana 11. i 13. ove Odluke.

POGLAVLJE II. KRITERIJI ZA DODJELU POMOĆI ZA OTKLANJANJE NASTALIH POSLJEDICA

Član 9.

(Kriteriji za dodjelu pomoći za otklanjanje nastalih posljedica)

Jednokratna pomoć za otklanjanje nastalih posljedica – saniranje šteta na području općine koje su nastale djelovanjem prirodne ili druge nesreće može se dodjeljivati onda kada se utvrdi da su štete velike, da općina na čijem je području nastala prirodna ili druga nesreća svojim sredstvima ne može sanirati sve štete.

DIO ČETVRTI - RAD KANTONALNE KOMISIJE

Član 10.

(Rad Kantonalne komisije)

(1) Kada Kantonalna komisija primi zahtjev za dodjelu jednokratne pomoći, dužna je razmotriti taj zahtjev i utvrditi prijedlog odluke za dodjelu pomoći u roku od sedam dana, a ako se zahtjevu ne može udovoljiti Kantonalna komisija daje obrazloženje zašto se pomoć ne može dodijeliti.

(2) Ako Kantonalna komisija na osnovu provjere realnosti procjenjene štete, utvrdi da ima bitnih nedostataka u procjenjenoj šteti, vraća dokumentaciju općini, koja je dužna otkloniti nedostatke na koje ukaže Kantonalna komisija i nakon toga novu dokumentaciju dostavi Kantonalnoj komisiji, a ako nedostaju određeni dokumenti, Kantonalna komisija može tražiti dostavu tih dokumenata, koje je općina dužna dostaviti.

POGLAVLJE I. RJEŠAVANJE ZAHTJEVA ZA DODJELU POMOĆI ZA HITNE INTERVENCIJE

Član 11.

(Utvrđivanje prijedloga odluke za dodjelu jednokratne pomoći za hitne intervencije)

(1) Prilikom utvrđivanja prijedloga odluke za dodjelu jednokratne pomoći za hitne intervencije, Kantonalna komisija u obzir uzima naročito sljedeće podatke:

- orijentacionu veličinu područja zahvaćenog prirodnom ili drugom nesrećom izraženom u hektarima,
- mogući broj ljudskih žrtava i broj teže i lakše povrijeđenih i oboljelih ljudi,
- orijentacioni broj porušenih i broj teže i lakše oštećenih stambenih objekata,
- orijentacioni broj premještenih ili evakuiranih građana,
- orijentacioni broj porušenih i broj teže i lakše oštećenih infrastrukturnih objekata,
- prvu preliminarnu procjenu štete izražene u finansijskim pokazateljima i poduzetim mjerama za čije se finansiranje pomoć traži i
- datum kada je općina obavijestila Kantonalni operativni centar civilne zaštite o donošenju odluke o proglašenju stanja prirodne ili druge nesreće na području općine.

(2) Jednokratna pomoć iz stava (1) ovog člana dodjeljuje se pod uslovima:

- da općina ima svoje organizirane snage civilne zaštite (općinsku službu civilne zaštite i u okviru službe civilne zaštite osnovan općinski operativni centar civilne zaštite, osnovan općinski štab civilne zaštite, povjerenike civilne zaštite, osnovane službe zaštite i spašavanja i jedinice civilne zaštite),
- da je općina osigurala prikupljanje sredstava na osnovu člana 180. Zakona o zaštiti i spašavanju (otvoren u skladu sa Upustvom o otvaranju posebnih transakcijskih računa, načinu planiranja, prikupljanja, evidentiranja i raspolaganja sredstvima s posebnih namjenskih računa otvorenih kod podračuna u okviru Jedinstvenog računa Trezora ("Službene novine Federacije BiH", broj: 97/07 i 06/11);
- da općina nema sredstava za otklanjanje nastalih posljedica i nije u mogućnosti osigurati iznos sredstava koja su neophodna općini.

(3) Procjenu podataka iz stava (1) ovog člana vrši Kantonalna komisija u skladu sa kriterijima iz člana 8. ove Odluke i na osnovu tih kriterija priprema odgovarajući prijedlog odluke o dodjeli jednokratne pomoći za hitne intervencije koju donosi Vlada Kantona.

Član 12.

(Sadržaj odluke za dodjelu jednokratne pomoći za hitne intervencije)

(1) Dodjela jednokratne pomoći za hitne intervencije vrši se odlukom iz člana 11. stav (2) ove Odluke, koja sadrži sljedeće podatke:

- a) naziv općine kojoj se dodjeljuje pomoć,
- b) iznos jednokratne pomoći,
- c) namjene za koje se jednokratna pomoć može koristiti i
- d) obavezu dostavljanja izvještaja iz člana 17. stav (2) ove Odluke.

(2) U jednoj odluci može se odrediti jednokratna pomoć za više općina kojima je istovremeno dodijeljena jednokratna pomoć za hitne intervencije s tim da se za svaku općinu pojedinačno daju podaci iz stava (1) ovog člana.

POGLAVLJE II. RJEŠAVANJE ZAHTJEVA ZA DODJELU POMOĆI ZA SANIRANJE ŠTETA

Član 13.

(Utvrđivanje prijedloga odluke za dodjelu jednokratne pomoći za saniranje šteta)

(1) Prilikom utvrđivanja prijedloga odluke za dodjelu jednokratne pomoći za saniranje šteta nastalih djelovanjem prirodne ili druge nesreće, Kantonalna komisija u obzir uzima naročito sljedeće podatke:

- a) štetne posljedice po ljude:
 - 1) broj ljudskih žrtava,
 - 2) broj povrijeđenih,
 - 3) broj oboljelih,
 - 4) broj evakuiranih
- b) štetne posljedice po materijalna dobra:
 - 1) broj porušenih i oštećenih stambenih objekata u vlasništvu građana i objekata u vlasništvu pravnih lica,
 - 2) broj porušenih i oštećenih infrastrukturnih objekata,
 - 3) štete na drugim materijalnim dobrima (zemljište, oprema, zasadi, šume, divljač, stoka, i dr.).

- c) veličina područja zahvaćenog prirodnom ili drugom nesrećom,
- d) visina pričinjene štete iskazane u finansijskim pokazateljima,
- e) ekonomska razvijenost općine, koja traži dodjelu pomoći,
- f) mogućnosti općine da iz svojih sredstava, koja se osiguravaju u skladu sa članom 179. i 180. Zakona o zaštiti i spašavanju, izvrši finansiranje potreba na saniranju posljedica nastalih od prirodne ili druge nesreće,
- g) finansijskih sredstava koja je općina uložila u fazi provođenja zaštite i spašavanja ljudi i materijalnih dobara u toku trajanja prirodne ili druge nesreće i u fazi otklanjanja nastalih posljedica do dana podnošenja zahtjeva, i
- h) druge podatke od značaja za normalizaciju života ljudi na ugroženom području.

(2) Kantonalna komisija procjenu podataka iz stava (1) ovog člana vrši u skladu sa kriterijima iz člana 8. ove Odluke.

Član 14.

(Izrada Odluke za dodjelu jednokratne pomoći za saniranje šteta)

Dodjela jednokratne pomoći za saniranje šteta vrši se odlukom koja se izrađuje na način predviđen u odredbama člana 12. ove Odluke.

Član 15.

(Štete koje se izuzimaju za dodjelu jednokratne pomoći)

Prilikom utvrđivanja prijedloga za dodjelu jednokratne pomoći za saniranje šteta u obzir se ne uzimaju sljedeće štete i to:

- a) štete koje nastanu od prirodnih ili drugih nesreća zato što nisu bile poduzete propisane mjere zaštite ili zbog krajnjeg nemara ili zato što je šteta izazvana namjerno,
- b) posredne štete (izgubljeni prihod zbog neobavljanja djelatnosti u oblasti transporta, ugostiteljstva, trgovine i drugim djelatnostima),
- c) štete na dugogodišnjim nasadima (voćnjaci i vinogradi), osim u godini štete,
- d) ako šteta nije prijavljena po postupku i u roku predviđenom ovom Odlukom,
- e) štete nastale na objektima koji su izgrađeni bez dozvole ili suprotno urbanističkoj dozvoli i dozvoli za građenje, osim objekata izgrađenih do 1968. godine.

Član 16.

(Predlagač prijedloga odluke za dodjelu jednokratne pomoći)

(1) Kantonalna komisija utvrđeni prijedlog odluke za dodjelu jednokratne pomoći dostavlja na odlučivanje Vladi Kantona.

(2) Kada se iscrpe finansijske mogućnosti Kantona iz sredstava ostvarenih na osnovu člana 179. i 180. Zakona o zaštiti i spašavanju za te namjene i donese zaključak da ta sredstva nisu dovoljna za saniranje posljedica prirodne nesreće, Vlada Kantona traži jednokratnu pomoć od Vlade Federacije BiH, na način propisan u Odluci Vlade Federacije.

Član 20.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 02-14-13778/11.
Datum, 12.05.2011. godine
Zenica

PREMIJER

mr.sci.Fikret Plevljak dipl.ing., s.r.

DIO PETI - OBAVEZE OPĆINA KOJIMA JE DODIJELJENA JEDNOKRATNA POMOĆ

Član 17.

(Obaveze i odgovornost podnosioca zahtjeva za jednokratnu pomoć)

(1) Sredstva koja su dodijeljena kao jednokratna pomoć mogu se koristiti samo za namjene koje su navedene u odluci o dodjeli te pomoći.

(2) Općine kojima je dodijeljena jednokratna pomoć dužni su u roku tri mjeseca od dana objavljivanja odluke o dodjeli jednokratne pomoći u "Službenim novinama Zeničko-dobojskog kantona", Vladi Kantona putem Kantonalne uprave dostaviti izvještaj o utrošku dodijeljene pomoći.

(3) Općinski načelnik je odgovoran za namjensko korištenje dodijeljene jednokratne pomoći iz člana 12. i 14. ove Odluke.

Član 18.

(Nadležnost za nadzor primjene odluke)

Nadzor nad primjenom ove Odluke vrši Kantonalna uprava.

DIO ŠESTI - PRIJELAZNE I ZAVRŠNE ODREDBE

Član 19.

(Objavljivanje odluka)

Odluka o dodjeli jednokratne pomoći za hitne intervencije i odluka o dodjeli jednokratne pomoći za saniranje šteta objavljuju se u "Službenim novinama Zeničko-dobojskog kantona".